



XALQ DEPUTATLARI XATIRCHI TUMANI KENGASHINING QARORI

2023 - yil 28 - fevral

VI-65-27-5-77-K/23

Xatirchi tuman hokimligi

Tuman mahalliy budjetining 2023-yil boshidagi erkin qoldiq mablag'lari hisobidan mablag' ajratish to'g'risida

O'zbekiston Respublikasi Budget Kodeksining 27-, 126-moddalariga, O'zbekiston Respublikasi Oliy Majlisi Senati Kengashining 2022-yil 8-apreldagi "Qoraqalpog'iston Respublikasi respublika budjetining, viloyatlar viloyat budjetlarining, Toshkent shahri shahar budjetining, tumanlar va shaharlar budjetlarining qo'shimcha manbalarini aniqlash va ulardan foydalanishni tartibga solish to'g'risida"gi KQ-331-IV-sonli qaroriga muvofiq, O'zbekiston Respublikasi Prezidenti va Vazirlar Mahkamasi tomonidan qabul qilingan qaror va farmoyishlarda belgilangan tadbirlarni hamda hududlarni ijtimoiy-iqtisodiy rivojlantirish dasturlarini mablag' bilan ta'minlash maqsadida, tuman hokimligining tuman mahalliy budjetini 2023-yil boshida aniqlangan erkin qoldiq mablag'lari hisobidan yo'naltirish to'g'risidagi taklifini ko'rib chiqib, Xalq deputatlari tuman Kengashi

QAROR QILADI:

1. O'zbekiston Respublikasi Prezidentining qaror va farmoyishlarida, Vazirlar Mahkamasi qarorlari va bayonlarida belgilangan topshiriqlar ijrosini ta'minlash hamda hududlarni ijtimoiy-iqtisodiy rivojlantirish, infratuzilma obyektlarini qurish va aholi turmush farovonligini oshirish maqsadida amalga oshiriladigan tadbirlar uchun tuman mahalliy budjetining 2023-yil boshida aniqlangan erkin qoldiq mablag'lari hisobidan ilovaga muvofiq jami 1011,3 mln.so'm mablag' ajratilsin.

2. Xalq deputatlari tuman Kengashi kotibiyati (U.Odilov) tuman mahalliy budjetining qo'shimcha manbalari hisobidan mablag' ajratilgan budjet tashkilotlari va budjetdan mablag' oluvchilarning ajratilgan mablag'lardan samarali foydalanilishi hamda erishilgan natijalar to'g'risidagi hisobotlarini Xalq deputatlari

tuman Kengashi sessiyalarida eshitib borilishini ta'minlasin.

3. Tuman davlat soliq inspeksiyasi (A.Ro'zimurodov) 2023-yil uchun tuman mahalliy budjeti daromadlari prognozini bajarilishini ta'minlasin.

4. Xalq deputatlari tuman Kengashining Mahalliy budjet, iqtisodiy islohotlarni amalga oshirish, investisiyalar va tadbirkorlikni rivojlantirish masalalari bo'yicha doimiy komissiyasi budjet mablag'laridan maqsadli va samarali foydalanilishi hamda budjet intizomiga rioya etilishi ustidan jamoatchilik nazoratini o'rnatish tavsiya etilsin.

5. Ajratilgan mablag'larning maqsadli ishlatilishi yuzasidan tuman hokimining birinchi o'rinbosari (I.Muxammadiyev), tuman Moliya bo'limi (J.Qahhorov) hamda tuman G'aznachilik bo'linmasi (A.Shirinov)ga nazorat o'rnatish topshirilsin.

6. Mazkur qarorning ijrosini nazorat qilish tuman hokimining birinchi o'rinbosari (I.Muxammadiyev) hamda Xalq deputatlari tuman Kengashining Mahalliy budjet, iqtisodiy islohotlarni amalga oshirish, investisiyalar va tadbirkorlikni rivojlantirish masalalari bo'yicha doimiy komissiyasi a'zolari zimmasiga yuklansin.

**Xalq deputatlari Xatirchi tuman
Kengashi raisi**



S.Nizamov

Xalq deputatlari Xatirchi tuman
Kengashining
2023 yil 28 fevraldagi
VI-65-27-5-77-K/23-son qaroriga
1-ilova

Tuman mahalliy budjetining 2023-yil boshidagi erkin qoldiq mablag'lari hisobidan ajratiladigan mablag'lar

T/r	Tashkilot va muassasa nomi	Maqsadi	Ajratiladigan mablag'lar (mln.so'mda)
1	Tuman hokimligi	Qo'riqlash xizmatidan yuzaga kelgan qarzdorliklarni qoplash xarajatlariga	64,9
		Xodimlarning ustama to'lovlari xarajatlariga	222,6
		Tuman hokimligi qishloq xo'jaligi bo'limi xodimlari xonasini jihozlash xarajatlariga	50,0
2	Xalq deputatlari tuman Kengashi kotibiyati	Xodimlarning ustama to'lovlari xarajatlariga	21,8
3	Oila va xotin-qizlar bo'limi	Xodimlarning ustama to'lovlari xarajatlariga	25,4
4	Xalq ta'limi bo'limi	Xalq ta'limi bo'limiga qarashli umumta'lim maktablarida 2022-2023-yillar kuz-qish mavsumi davrida anomal sovuq natijasida yuzaga kelgan isitish tizimidagi kamchiliklarni bartaraf etish xarajatlariga	200,0
5	Moliya bo'limi	Xodimlarning ustama to'lovlari xarajatlariga	126,6
6	Tibbiyot birlashmasi	Tug'ruq yoshidagi xotin-qizlar salomatligini saqlash, onalik va bolalikni himoya qilish maqsadida oral ineksion kontrasepsiya va bachadon ichi vositalari bilan ta'minlash xarajatlariga hamda gemodializ bo'limi binosini ta'mirlash xarajatlariga	200,0
7	Budjet tashkilotlari	Elektron suv hisoblagich sotib olish xarajatlariga	100,0
Jami		xxx	1011,3